

## 41

## Joska, la rossa

Parole di Carlo GEMINIANI

Musica di Giuseppe DE MARZI

Molto moderato

*Solo*

*p* (a bocca chiusa)

El mu-ro bian-co drio de la to ca-sa — ti te sal-ta-vi come un o-se-le-to. — *Tutti* Jo - ska la

Movendo

*pp* *cresc.*

ros-sa, pè-le de bom-ba-sa, — tu-te le se-re prima de 'nà in le-to. Te stavi lì, co le to scarpe ro-te te ne var-

-da - vi drio da j'oci mo-ri e te ba-la-via-legra, tu-ta no-te e i bal-di al-pi - ni te cantava i co-ri. Oh.

Mosso

*f*

Jo - ska, Jo - ska, Jo - ska, sal-ta la mu - ra! Fin che la du - ra, oh. Jo - ska, Jo - ska,

FINALE

*vall.* *ff*

*1.* *2.* *D.C.* *ff*

Jo - ska, salta la mu - ra! Ba-la con mi! Oh. mi! — là, fer-ma-te là.

El muro bianco, drio de la to casa  
ti te saltavi come un oseleto,  
Joska la rossa, pèle de bombasa,  
tute le sere prima de 'nà in leto.

Te stavi lì, co le to scarpe rote  
te ne vardavi drio da j'oci mori  
e te balavi alegra tuta note  
e i baldi alpini te cantava i cori. Oh.

Joska, Joska, Joska,  
salta la mura!  
Fin che la dura, oh.  
Joska, Joska, Joska,  
salta la mura!  
Balla con mi! Oh.

Ti te portavi el sole ogni matina,  
e de j'Alpin te geri la morosa,  
sorela, mama, boca canterina,  
oci del sol, meraviglia rosa.

Xe tanto e tanto nù, ca te zerchémo,  
Joska la rossa, amor, rosa spanja.  
Ma dove sito andà? Ma dove

[andemo?  
Semo ramenghi. O morti. E così sia.  
Oh.

Joska, Joska, etc...

Busa con crose. Sarà sta i putèi?  
La par 'na bara e invece xe 'na cuna.  
E dentro dorme tuti i to fradei,  
fermi, impalà, co i oci ne la luna. Oh.

Joska, Joska, Joska,  
salta la mura!  
Fin che la dura, oh.  
Joska, Joska, Joska,  
salta la mura!  
Fermate là. Oh.

Fermate là.

tre volte  
accelerando